

# УДАРНИК

УАССР-ысь ВКП(б)-лэн М-Пургинской райкомезлэн но трудящейёслэн депутат'ёссылэн районной Советсылэн органзы  
— (Адрес: с. М-Пурга УАССР) —

## Бакча сион'ёсты колхоз'ёсын государстволы обязательно сётон сярысь

Бакча сион'ёслэсь общественной посев'ёссэс азыланьын паськытатонлы, урожайностез жутонлы колхоз'ёслэсь заинтересованностьсэс кужмоятон понна, соосты (бакча сион'ёсты) областысь областе национальной нуллонэз быдгон понна, озы ик город'ёсты бакча сион'ёсын но бакча сион'ёсты перерабатывать карись предприятия кулэ луись сыреён обеспечить карон понна СССР-лэн Народной Комиссар'ёссылэн Советсы но ВКП(б)-лэн Центральной Комитетэз пуктызы кубыста, столовой гордкушман, чужкушман, сугон, кияр но помидор кадь бакча сион'ёсты контрактационной но хозяйственной договор'ёс'я дасян порядокез воштыны.

1940 арлэн урожайсыеныз кутскыса, кубыста, столовой гордкушман, чужкушман, сугон, кияр, помидор кадь бакча сион'ёсты государстволы обязательной поставкае колхоз'ёс кытысько гырон муз'емлэн котькуд гектарез'я ляд'яса, кудыз (муз'ем) колхоз'ёс борды юнматэмын но ляд'ямын «Колхоз'ёсын но едиволичной хозяйствосын ю тьсь но рис государстволы обязательно сётон сярысь» СССР-лэн СНК-езлэн но ВКП(б)-лэн ЦК-езлэн 1940 арын 11 апреле постановленизылэн кыктэти статьяез'я та гырон муз'емсы сыче площадьёсты куштыса, куд'ёс аз киземын бакча сион культураослэн семенник'ёсы но бакча сион'ёсты перерабатывать карись предприятия зоназы консервно-овощной культурыос.

Город'ёслы, промышленной центр'ёслы, бакча сион'ёсты перерабатывать карись предприятия котырьсь станциослы но завод'ёслы матын луись район'ёс'я но колхоз'ёс'я бакча сион'ёсты сётон нормаос будэтисько, озы ик государстволы бакча сион'ёсты обязательно сётонлэсь быдэсак мозмытисько сыче кыдэкись район'ёс но колхоз'ёс, кытысь бакча сион'ёсты потребитель доры вайыны шуг, соин чош ик быдэсак соблюдаться мед кариськозы бакча сион'ёсты обязательно сётонлэн быдэсак область, край но республика понна нормаосыз.

Бакча сион'ёсты обязательно сётон нормаос уг ту а'ысько сыче бакча сион культураос вылэ, куд'ёсыз та районьн яке колхозын

уг кизылысько пайда сётымтэенызы.

Ю тьсь, рис, картошка но вэй поттон культураослэсь кидыс'ёссэс обязательно сётонлэсь нормаосэ тупатон дыр'я ортытоно та нормаосты соответствующой будэтон яке кулэстон сыче район'ёс но колхоз'ёс понна, куд'ёсыз бастызы государстволы обязательной поставкае бакча сион'ёсты сётонлы будэтэм яке кулэстэм нормаос.

Колхоз'ёслы разрешить каремын котыкытын ик (бакча сион'ёсты перерабатывать карись предприятия котырьсь зонаосты вератэк, кытын воштон ортытиське предприятиялэн директорезлэн согласиез дыр'я гинэ) обязательной поставкаос'я мукет бакча сион'ёс интые сётны сугон но чужкушман:

10 центнер кубыста интые—2,5 центнер сугон яке 7 центнер чужкушман; 10 центнер кияр интые—4 центнер сугон яке 10 центнер чужкушман;

10 центнер гордкушман интые—2 центнер сугон яке 6 центнер чужкушман; 10 центнер помидор интые—5 центнер сугон яке 12 центнер чужкушман.

Москва, Ленинград, Горький, Куйбышев, Свердловск, Челябинск, Тула город'ёслэн пригородной зоназы но озы ик консервной завод'ёслэн директор'ёссылэн согласизы, мукет бакча сион'ёс интые обязательной сётон'я луэ сётны помидор—

10 центнер кубыста интые—3 центнер помидор;

10 центнер кияр интые—7 центнер помидор;

10 центнер столовой гордкушман интые—3 центнер помидор.

Нимаз-нимаз культураос'я бакча сион'ёсты колхоз'ёсын государстволы сётон'я толэзёс'я срок'ёс тупатэмын.

Государстволы обязательной сётон чотын колхоз'ёсын государстволы сётэм бакча сион'ёсты станциосысь, пристаньёсысь но завод'ёсысь заготовительной пункт'ёсы ваемын

### КОМСОМОЛЬСКОЙ ОРГАНИЗАЦИЛЫ ЮРТТЭТ ЪВЉ

Аксакшурской сельсоветысь, «Удмурт Коммуна» колхозысь первичной комсомольской организацилы юрттись ёвёл, ВЛКСМ райком ласянь туэ арын но кыче практической юрттэт сётэмын ёвёл на.

Комсомолец'ёс ВКП(б)-

луны кулэ колхоз'ёслэн асьсэлэн кужым'ёсынызы но тырлык'ёсынызы. Нош колхозысен заготовительной пункт дорозь кустып 10 километрлэсь трос келуэ, соку заготовитель бакча сион'ёсты ваем понна 10 километрлэсь вань мултэс луись расстояние понна колхозлы дун тыре СССР-лэн заготовкоос'я Наркома-тэныз тупатэм ставкаос'я.

Бакча сион'ёсты толэзёс'я сётны тупатэм дыр'ёслэн соответствизыя бакча сион'ёсты умой сётись колхоз'ёслы государстволы сётон'я обязательствооссэс быдэс'янызы чош ик сётиське право мултэс бакча сион'ёссэс рынокин вузаны.

Сыче колхоз'ёс, куд'ёсыз бакча сион'ёсты толэзёс'я сётон обязательствозэс уг быдэс'яло, государстволы бакча сион сётон'я асьсэлэсь обязательствооссэс быдэсак быдэстытозаяз бакча сион'ёссэс палэнэ вузан праволэсь лишаться карисько.

Колхоз'ёслы лэзиське колхозник'ёслы соослэн трудоденьёссы авансэн бакча сион'ёс сёт'яны та культура толэяз государстволы сётэмен чошатыса 10 процентэс.

Государстволы бакча сион'ёсты сётон та постановлениен тупатэм обязательствоосты быдэстон луэ котькуд колхозлэн нырысетий быдэстоно обязанности и быдэс'ясыкыны кулэ колхоз понна тупатэм дыр'ёс кустын, таин чош ик обязательствоосты намеренно быдэс'ятэк кельтон караться кариськоз закон'я.

Властьлэн интыгысь орган'ёсызлы но заготовительной орган'ёслы но кызыны но уг лэзиськы колхоз'ёслы сётны сыче обязательствоос, куд'ёсыз вылтй луо обязательной поставкаослэн гектар'ёс'я нормаоссылэсь.

Бакча сион'ёсты государстволы обязательной сётон'я обязательствоосты быдэстэм бере вань мултэс кылэ колхоз'ёслэн быдэсак распоряжениязы.

## Бад'ёзым политической ужез дун'яны кулэ

Асьме странаосы трудящейёслэн вискарытэк будо культурной кулэсь кон'ёссы. Та кулэсь кон'ёсты быдэстоньн печатез вёлдоньн ужасьёслы бад'ёзым роль усе. Котькуд трудящейёслы соос валэктоно луо газет'ёслэсь, журнал'ёслэсь, книгаослэсь кулэлыккэс, чтобы трудящейёс мед валалозы, что печатэ со партилэн самой кужмо, самой лэчыт оружиез.

Районысьтымы трудящейёслэн арысь аре, озы ик толэзёс тросгес газет, журнал бастонзы будэ. Нош читательёслы газет'ёсты но журнал'ёсты дыраз вуттылоньн шараясько на гырымтэ интыос но. Кудог агент'ёс, письмоносец'ёс асьсэлэн урод, безответственно ужаменызы читательёсты газеттэк кельтыло, но и куддыр'я газет'ёсты но письмоосты дырыз дыр'я уг вуттыло. Озы ик вань сычезы эш'ёс, куд'ёсыз газет'ёс но журнал'ёс сярысь валэктон ужез кулээн уг ляд'яло. Гани Аксакшурской сельсоветысь «Кутер кутон» колхозысь письмоносец Марковлэн урод ужабез сярысь райгазетлэн стра-ницаосаз материал поттылэмын вал ни, нош озы ке но письмоносец Марков ужез умоятон сярысь уг малпа, со газет'ёсты колхозник'ёслы дыраз уг люкылы. Чем дыр'я письмоосты ыштылэ.

М Пургинской сельсоветысь колхоз'ёсын газет вёлдон уг урод пуктэмын. Кылярысь, «Выл гурт» колхозысь колхозник'ёс газетлы кулэсько, озы ик соос колхоз правлениез трудоденьлы люконо коньдонэн газет бастыны куру, нош колхозлэн председателез П. Шумилов та-че курон'ёсты быдэстыны понна уг сюлмасыкы, соин ик та колхозын одиг экземпляр гинэ бастыло «Ударник» райгазетаез но.

Гожнинской сельсоветын но райгазетаез вёлдон урод пуктэмын. Почтовой агент П. Ожмегов газет вёлдонэн но кыче уж ёз нуы, уг но нуы. Соин ик та сельсоветын «Ударник» газетэз ог 90 экземпляр гинэ бастыло. Кулэ вал, колхозник'ёс но колхозницаос пёлын газет вёлдон уже кыскыны дышетисьёсты, избач'ёсты, селькор'ёсты, активной читательёсты. Нош соосын но кыче уж уг нуиськы. Соин ик «Ударник» райгазетаез вёлдон районамы 50 процентлы но быдэстэмын ёвёл.

Кулэ вал газет'ёсты но письмоосты люкылоньн виновник'ёслы кулэ ужрад'ёс кутыны. Та уж районьсь почтовой отделениосысь агент'ёсын номыре ик уг лэстыськы. Ильинской сельсоветысь «Безбожник» колхозысь письмоносец В. Г. Ушков письмоосты распечатать карыса ляд'ялэ шуыса гож'ям материал колхозлэн правлениеныз подтвердиться кариськиз, та уж прокуратурае ужрад кутызы ыстэмын вал, со дырысен, ку прокурорлы ужрад кутыны ыстэмын вал, дыр ортыны ни толэзё, нош прокурор Чунаев али ке но та-че ужасьёслы но кыче ужрад ёз на куты.

Газет вёлдоньн но газет'ёсты но журнал'ёсты бастысьёслы газет'ёсты дыраз вуттоньн умоесь пример'ёс но вань. Тани «Шор муч» колхозысь письмоносец Родионов эш колхозник'ёс пёлын валэктон уг нуэ, соин ик газет но бастыло. Озы ик Родионов эш газет'ёсты но письмоосты дыраз люкылэ. Та-че умоесь пример'ёс районамы ёжыт. Уд шедьты одиг колхозэз но, кудаз вань колхозник'ёс мед бастысалзы коркалы быдэ райгазетаез. Райгазетаез вёлдоньн та берло дыре урод ужаны кутскиз рай-связь но.

### Ваньмызлэсь азыло

17 мае 1940 арын «Янгалиф» колхоз районьсь вань колхоз'ёслэсь азыло сюрес лэсьтон борды кутскизы, сюрес бордын ужаны 25 мурт пыдын но 5 валэн вис'ямын. Колхоз ас вылаз обязательство бастытэз 1940 арлы сётэм сюрес лэсьтон планэз 15 июнэз 200 процентлы быдэстыны. Озы ик сюрес ужын умой ужа Ильинской сельсоветысь

«Правда» колхоз.

«Янгалиф» колхоз сюрес лэсьтон ужын 1939 арын но умой ужаз. Татысь колхозник'ёс С. Исаков, Ситдилов но «Юж-Пурга» колхозысь колхозник'ёс Старочкин но Баграшова грави ворттон'я нормазэс 350—400 процентозь быдэс'язы. Со понна соос премировать каремын.

„Ленинградская искра“ колхозлэн пудо вордон фермаез. Завидовской районы (Калининской область) умоеь ферма: пдысь одигеныз луэ. 1939 арлэн Всесоюзной сельскохозяйственной выставки сеныз ферма нырысетй степенё диплом бастыиз; со утвердить каремын 1940 арлэн ВСХВ-езлэн кандидатыныз.



Турыгинской сельсоветлэн депутатэз Е. С. Константинова (паллянысез) куняиёслэсь упитанностьсэс эскере, куд'ёсыз юматэмын МТФ-лэн самой умой стахановкаез Е. А. Сегикова борды.

### Массовой уж умой пуктэмын

Гожнинской МТС-лэн 11 №-ро тракторной бригадаез уж умой мынэ, тракторист'ёсы, трактористкаос пдыльн агитмассовой уж нуиске. Та ужен возглавлять каре бригадир Ураков эш.

Тракторист М. Пупыдов умоеь производственной показателёс сётйз. Ю кизён мыныку, со сменалы тупатэм нормаез мултэсэн быдэс'яз, 5 гектар гырон интые 8 гектарозь гырылиз, сменалы 40 килограмм горючоез экономить карыны быгатэ. Со озы ик нормаез мултэсэн быдэс'я кизён бордын но. Сменалы 15 гектар интые 20 гектар быдэс'я, сменалы 45 килограмм горючоез экономить каре.

Пупыдов эш производство бордысь люкиськытэк тракторист'ёсты дэсян понна сюлмаське. Федоров эшез со трактористэ дасяз, али со самостоятельно тракторист лунса ужа ини. Та бригадасы ик тракторист Ксенофонтов эш производство бордысь люкиськытэк трактористкаез дасяз, кудйз али трактор бордын ужа ини. тракторист'ёсы куспазы цошатыксы ужало, ВСХВ-ын участвовать карыны право бастон понна нюр'ясько.

Та бригада Гожнинской МТС-лэн зонаез азымынсь бригадаен луэ, тулыс ю кизён'я договорэз 111 процентлы быдэстйз.

**Веретенников.**

## Рабочийёслэсь но служащийёслэсь подоходной налог бастон сярэсь законысь

**5-ти Статья.** Рабочийёслэсь но служащийёслэсь налог бастыське толэзлы быдэ соослэн ортчем толэзь понна заработоксыя таче размерен:

Толэзем уждунлэн размерез	Налоглэн толэзлы суммаез
151 манетысен 201 манетозь	1 манет но 20 коп. 150 манетлэсь вылтйезлы суммалы плюс 3 проц.
201 „ 300 „	2 манет но 70 коп. 200 манетлэсь вылтйезлы суммалы плюс 3,3 проц.
301 „ 500 „	6 манет но 00 коп. 300 манетлэсь вылтйезлы суммалы плюс 4 проц.
501 „ 701 „	14 манет но 00 коп. 500 манетлэсь вылтйезлы суммалы плюс 5 проц.
701 „ 1.000 „	24 манет но 00 коп. 700 манетлэсь вылтйезлы суммалы плюс 6 проц.
1001 „ но солэсь вылтй.	42 манет но 00 коп. 1000 манетлэсь вылтйезлы суммалы плюс 7 проц.

**6-ти Статья.** Рабочийёслэн но служащийёслэн налоген облагаться кариськись толэзем уждунзы пдыль ик пыртйське ссосын кылемаз толэзе бастэм вань мукет заработоксылэн суммаосыз: основной уждун, сверхурочной но сделной уж'ёс понна бастэм дун, персональной надбавкаос, премиос, куд'ёсыз тырыско трудэз премиально-поощрительной системаен тырыку отпускез использовать карымтэ понна сётэм компенсация но мукет'ёсыз.

**7-ти Статья.** Рабочийёслэн но служащийёслэн налоген облагаться кариськено толэзем уждунзы пдыль налогез исчислять карыку уг пыртйське:

а) рабочийёслы но служащийёслы нимысьтыз азинскон'ёссы но заслугаоссы понна единовременной премиос но наградаос, куд'ёсыз тырыско администрацилэн приказ'ёсыз'я;

б) командировкаос'я но мукет интыосы ужаны ыстыку кутэм расход'ёсты возмещать карыса труд сярэсь действующой законодательстволэн основаез выльн тырем суммаос;

в) сельской интыын но рабочей поселок'ёсын ульсь медицинской, ветеринарной но зоотехнической работник'ёсызлы бесплатной квартира сётэм интые тырыськись суммаос;

г) котыкыче пёртэм натуральной выдачаос, куд'ёсыз

уг пыро рабочийёслэн но служащийёслэн уждуназы, озы ик со выдачаос интые сёт'ясыкись коньдон суммаос;

д) временной нетрудоспособности пособиос, выходяной пособиос но мукет'ёсыз;

е) рабочийёслэн но служащийёслэн асьсэлэн инструментсылы амортизация понна соослы тырыськись суммаос.

**8-ти Статья.** Рабочийёслэн но служащийёслэн совместительством (основной ужан интыоссыя ке двёл) ужамзылы тырем уждун выльсь но временной ужез быдэс'ям понна уждун выльсь налог нимысьтыз бастыське котыкуд ужан интыя. Необлагаемой минимум (2 ст.) сыче заработок'ёслы применяться уг карыскы и толэзлы 150 манет дорозь заработок'ёслы налог бастыське 0,8 процент толэзем уждунлэн суммаез выльсь.

**9-ти Статья.** Рабочийёслэн но служащийёслэн иждивенцы куиньлэсь трос мурт ке, основной ужан интыоссыз налоглэн размерез 30 процентлы кулэс'яске.

Выль верам льгота сёт'яске домоуправленилэн яке трудящийёслэн депутат'ёссылэн сельской советсылэн исполнительной комитетэзлэн иждивенец'ёслэн лыдзы сярэсь сётэм справказы. Справкаос сёт'яльсько арлы быдэ.

**14-ти Статья.** Рабочийёсын но служащийёсын огкадь основании но налоглэсь размерэз 10 процентлы бюджетсыя облагаться карисько:

а) артельёслэн общо й мастерскойёсазы ужась кооперированной кустарьёс но ремесленник'ёс;

б) кооперированной кустарьёс но ремесленник'ёс, озы ик рабочийёс но служащийёс, асьсэ дорын гуртазы ужаса, артельёслэсь но предприятиослэсь бастэм заработоксыя, если сооснимаз граждан'ёслы уж'ёс уг ке быдэс'яло, промышлен асьсэ материалзэс ке применять каро и асьсэлэн ужазы специально оборудованности ке уже уг кут (машинаосты, вурисько) машинаез, станок'ёсты но мукет'ёссы вератэк);

в) транспортной промышленно-кооперативной артельёслэн член'ёссы, куд'ёсызлэн ужан пудозы обобществить каремын.

**27-ти Статья.** Предприятиос, учреждениос но организациос извозчик'ёслы заработоксэз тырон дыр'я налоглэн затэ кельто сёт'ясыкись заработоклэн лыдылэсь 25 процентэ и со кельтэм коньдонэз бюджетэ зачислить карон понна дас нунал куспын огпол перечислять каро банклэн учреждениосаз.

Предприятиосын но организациосын удержать карем коньдон районной (городской) финансовой отдел'ёсын засчитываться карыске налог'я лыд'ям тырон'ёсты погашать каронэ, куд'ёсыз тырыны подлежат каро общесуановленной срок'ёсы.

**39-ти Статья.** Та закон действие пыртйське 1940 арын 1 январысен.

Рабочийёслэсь но служащийёслэсь (но соослы приравнять карем плательщик'ёслэсь) та закон'я налог нырысетйзэ кельтйське 1940 арлэн май толэзлэн кыкетй жыныез понна уждунсы.

### 1940 арлы приходно-расходной сметаос өвёл на

УАССР-лэн СНК-езлэн председателезлэн Тронин эшлэн 9 мартэ гожтэм письмомыз верамын, что приходно расходной сметаез составлять каронэз 15 мартозь котыкуд колхозын былтоно. Нош асьме районьсь колхоз'ёс тросэз али но өз быдэстэ на.

Тронин эшлэн таче указание сётэм дырысеныз кык толэзь дыр ортчиз ини. Озы ке но приходно-расходной сметаос 58 колхоз пдыльсь 8 колхозлэн гинэ составлять каремын. Та ужен тужгес ик бере

кылемын Ильинской, Ст. Моньинской, Пытцанской, Аксакшурской, Ср. Кечевской но Пуро-Можгинской сельсоветысь колхоз'ёс, татын коньдон доход'ёс плантэк расхоловаться карысько. Азыланьн таче ужлы пум пононо, котыкуд колхозлэн председателезлы но счетоводэзлы та ужез жегатскытэк быдэстон понна бадзым сюлмаськонзэс вис'яны кулэ но ответственность нуоно.

**Зайцев.**

### Колхоз'ёсын долгосрочной ссудаосты берыктон

Районамы колхоз'ёсын сельскохозяйственной ссудаосты берыктон жыны арлы план 15 май а елы 105 процентлы быдэстэмын, нош быдэс арлы план 60,5 процентлы. „Шор-муч“, „Виль кужым“, „Красная зоря“ но „Победа“ колхоз'ёс арлы сётэм ссуда берыктонзэс дырылэсь азыло быдэстйз.

Ильинской сельсоветысь „Красная звезда“ но Калининлэн нимывыз нимам колхоз'ёс ссуда берыктонэз жегато. Та колхоз'ёс май толэзе кылем арлы просрочказэс гинэ погасить карызы.

**Я. З.**

Финской белогвардейщинаен нюр'яськон фронтин командованилэсь боевой заданиоссэ образцово быдэстэмез понна но отын отвага но геройство проявить каремез понна Лейтенанты П. В. Шутовлы Советской Союзлэн Героезлэсь званиэз присвоить каремын.



Советской Союзлэн Героез лейтенант **П. В. Шутов.**

Редактор—Г. М. ИВАНОВ.  
Поттйсь—РАЙСОВЕТЛЭН  
ИСПОЛКОМЕЗ.

### ЯЛОН'ЕС

1. Мало-Пурга районьсь 4462 №-ро сберкасса Куиньметй Пятилеткалэн Государственной заемезлы (кыктэй аре поттэмез) гожкем рабочийёслы, служащийёслы но колхозник'ёслы гожкем суммазыя коньдон тырыны косыса ивортэ. Соин ик вань учреждениослэн, организациослэн, колхоз'ёслэн но совхоз'ёслэн кивалтйсьссылы дыртыны кулэ заемлы бичам коньдонзылч райсберкассаысь облигация бастыны но 15 июпэзь сое подписчик'ёслы люкылыса быдтыны.

2. Учреждениос, организациос, подписчик'ёслэн киязы сёт'ямтэ заемез, кудэз списокен слать карызы сберкассае, куиньметй Пятилеткалэн Государственной заемез'я (нырысетй аре поттэмез) срокез ортче 1940 арын 1 июне. Соин ик срокез ортчемлэсь азыло бастыса люкылоно, срокез ортчем бере облигация уз сёт'ясыкы ни. **Сберкасса.**

Сюрес лэстыонин ярамон кёлыно гурезь (инты) шедьтйсь мурт'ёсты райдоротдел премировать каре: шоссейной сюреслы матын луон дыр'я 300 метр коньдонэн, 4—6 километр кемын луон дыр'я 200 манет коньдонэн.

Шедьтйсь мурт'ёс одно ик ивортоно луо доротделлы.

**Доротдел.**